УУИМА Ж Наведит 2022 (ТЭОХЕТА) СЭРИПОС "ЭОХЕТА (ЖАНТИ) КОТОР (МОТО) (ТЭОХЕТА (ЖАНТИ)-УК 26.05.2022 **№ 10** *(1268)*

www.khanty-yasang.ru

Основана 11 февраля 1989 года

E-mail:gazeta@khanty-yasang.ru



Ты
номерт
ловиньтэн:

Ма-вит ўргалым вос олэв

Пилталыг хонтлум маньщи хум

Павылт эрнэ лапка акваг вос рўпиты

▶ 6-7

Ративат аквъёт рўпитам хотпанэ номиянэ

▶ 10-11

Матьщи мирув пормасыт суссылтавет

2

12-13

Сосса хум йильпи нэпак хансыс

Товлынуйт ёхтын хотал муйлувес

14

5

16



Ма-вит ўргалым вос олэв

ты тал янк натнэ этпос 21 хоталныл лупта этпос 10 хоталэ мус округ янытыл XIX «Спасти и сохранить» нампа ма-вит ургалан тэлат варавет.

Округ миркол кущаит 32 савсыр вармалит щё-питасыт. Ты урыл ляххал тотнэ махумн ма-вит ургалан колт кущай ванын хум Алексей Ковалевский ос мот кущаит потыртасыт.

Варнэ тэланыл рущ латныл «Изменение климата – вызов XXI века» намтым олы, ос тув щёпитан тэлат «Стабильный климат – здоровая планета» лягалан латныл махум матыр-ати пумщаланкве вовавет.

Ань савсыр ханищта-

пыт, суссылтапыт, касылыт округ янытыл варавет ос та махум танки халанылт ищхипын ут хосыт тах вайхатэгыт ос потыртэгыт. Тох Нижневартовск ўст сав маныл акван-атхатыглам махум «61 параллель» нампа форумт рўпитасыт.

Ханты-Мансийск ўст «Аллея выпускников» щёпиталвес ос тот школа астлам няврамыт мўйлысыт.

Тувыл ты тал Г.Ф. Бухтин кастыглан магыс радиомарафон акция овыл-



тавес. Ойка 2010-2020 талыт сыс округ кущай ванын хумыг олыс ос мавит ургалан вармалит акваг уральтым ощсанэ.

Округт олнэ няврамыт сыресыр касылыт кассыт, тан катыл хурит послысыт, мань кинат варсыт, стихыт ловиньтасыт. Тан ётаныл мот мат олнэ агирищит

ос пыгрищит юрщхатасыт. Ань тан рупатаныл пуссын сунсавет ос лупта этпост эт касылт нох-патум хотпат муйлупсал мивет.

«Спасти и сохранить» нампа телефестивальн танки послум мань кинаныл Малайзия, Индия, Турция ос мот сав мат олнэ махум кетсыт. Товат Ханты-Мансийскан муйлункве ёхтэгыт тах.

Ты хоталыт сыс няврамыт ат эрнэ нэпакыт, элюм сулья алат, керломтыт акван-атункве вермегыт. Махум танки олнэ мананылт порсыт хот вос атыяныл, кол поханыл ос усхулыяныл хот вос сыстамтыяныл.

Тамара МЕРОВА

Ёмас нэпакыт ловиньтэн

эпак ловиньтан округ колт «Югорика» намыл лавим ловит суссылтап янк натнэ этпост варыглавес.

Ты тит талыг ювле хультум сыс округувт Москват, Тобольскыт ос Томскыт таратым нэпакыт сунсыгланкве ос ловиньтанкве тотвёсыт. Аквта порат ос «Югорская книга – 2022» касыл варыглавес.

Овыл хотал сав махум библиотека-колн атхат-сыт, кущаит мир ёт пащалахтасыт, нэпакыт таратан хотпатын сымың латңыт лавсыт.

Округт олнэ организацият танти таратам нэпаканыл ос суссылтасыт. «Торум Маа» музей таратам нэпакыг «На свадьбе и после неё», «По дороге на стойбище», Ас-угорский институт танти нэпаканыл суссылтасыт ос титыт хотал маньщи учёныюв Евдокия Ивановна Ромбандеева овылтыт хансым нэпак урыл потыртасыт.

Ты урыл ман янас потыр тах хансэв.

Ханты мир писателяныл Еремей Айпин хансум потранэ пуссын акван-атымат ос ат савит осын нэпакыг варимат. Тав нэпаканэ ос потранэ урыл махум потыртанкве атхатыгласыт, ойка тит яныг потыркапаиг хансыс, «Божья матерь в кровавых снегах» щирыл рущ тина варвес.

Тав потранэ школат ханищтахтын няврамыт магсыл нэпакыпын варавет, маньлат хотпат тав творчестватэ хосыт научный рупатат хансэгыт, тав потранэ хосыт сосса мир олупса мот махмытын ёмщакв ванкве патвес.



Нэпак ловиньтан колт атхатыглам махум

Тит хоталыг сыс писателит ос поэтыт махум ёт хонтхатыгласыт, танти варнэ рупатаныл урыл потыртасыт, ань йист ищхипын ут хосыт сунсым хонтхатыгланкве рови. Лакква мат олнэ хотпат тащир халанылт потыртасыт.

Каснэ ман маим нэпакыт жюри-хотпат тит хотал сыс сунсыгласаныл, ловиньтасаныл ос этипалаг нохпатум махум наманыл лаввесыт.

Няврамыт магсыл хансымнэпакытхалт «Подороге на стойбище» нэпак нохлатыс, сосса мир латнытыл хансым нэпакыт халт «В языках огня» нэпак нохлатыс, таве Алла Иштимирова-Посохова мот махум ёт хансыстэ ос «Централизованная библиотечная система» кол палыл таратавес.

Галина КОНДИНА



Хонтлум Восынтур махум





Е. Тасьманова потырты

Л. Алфёрова

«Торум Маа» музейт 2017 талт пасныл «Отыры Великой Победы» суссылтап варыглаве. Ты тал янк натнэ этпос 6 хоталт тан Восынтур павылныл хонтланкве ялум хотпат урыл потыртасыт.

Ханты-Мансийск ўст выставка пўнсым порат музей «Торум Маа» кўщай нэ **Людмила Алфёрова** лавыс:

– Тыи вармаль ман магсылув сака тының, ты хотал магыс ман яныг хотпанувн пумащипа лавев, хотьютыт ман Россия мав вуянтасаныл, ман Отечествав ургаласаныл. Янк натнэ этпос онтолов хотал – махманув магыс сака яныг ялпың хотал, ань Россиявт 77 щёс тыи ялпың хотал янытлаве.

Хальўс районныл фронтын 4 сотыра 357 махманув минасыт, ювле туп 1 сотыра 896 хотпа ёхталас. Пилыщман ляххал ман мавн тонт Хальўсныл ёхтыс — ты ляххал тара мань павлытн, ворт вораян ос рупитан хотпатн, хул алыщлан бригадатын элаль минас.

Тох махманув ванкве патсыт, ман мавн яныг пилыщман хонт ёхтыс. Пуссын маньлат хум хот-

пат войнан минасыт. Ус мус тан наинхапыл тотвесыт, тувыл элаль Омск ўсн тотвесыт.

Зоя Павловна Самбиндалова, Шайтанка павылт олнэ нэ, аще урыл потыртас:

– 1941 талт, хунь ман маньлат хум хотпанув войнан тотвесыт, я ватат пуссын махманув лющсыт. Тувыл тарвитын тыстыл

элумхоласыт халт тахас, хунь найнухап ёри ала ёнхыс, насати, ман ётув осъёмасўлум варнэ магыс маньлат хум хотпат пуссын акв ёрн атхатсыт, найнухап алаты ёри-ёнхыс.

Фронтын савсыр тал яныт махманув минасыт, савсыр рупитан маныл – хул алыщлан хотпат, вораян хумыт, салы урнэ хотпат, хантыт, маньщит, ёрныт, сараныт, товат рущ латын нэмхуньт ат хулыгласыт. Таимагыс танти халанылт катыл хосгим-хултым потырта-

Юн хультум махмытн ос

сака тарвитын олыс, минам хотпат тан эруптасаныл, урсаныл.

Василий Николаевич Вадичупов хунь хонтлункве минас, экватэн маньщи супыл майвес ос лаввес: «Нан ты суп акваг ляпат оньщелн, тонт Най-Отыранын нанын ўргаланкве патыяныл». Василий Николаевич супе акваг ёт-оньщистэ, тав лылын тагыл юв ёхталас.

Ханты хум Дмитрий Васильевич Лельхов Восынтур махманув урыл сав потыр потыртас, хумыс тан победа магыс рупитасыт ос олсыт. Маниг олме порат тав акваг хунтлалыс, хумыс ман хотпанув война порат олсыт.

«Торум Маа» музейт рупитан хотпаг Вячеслав Кондин ос Елизавета Тасьманова Восынтур павлың хотпа Илья Иванович Миляхов олупсатэ урыл потыр ловиньтасыг -«Детство без конфет». Ты потыр Елизавета Посохова хансыс. 1941 талт Илья Иванович войнан минас, тав Ольга агитэ такыщ сыныгтастэ, катын вистэ ос лавыс: «Хунь ам юв ёхтэгум, ам нанын конпетка яныг хурыгсов тотэгум!».

Мань Оля такос ўрхатас. Атятэ ат ёхтыс. Илья Иванович Миляхов 1943 талт хонтлан мат порславес. Вячеслав Кондин ос Елизавета Тасьманова хунь потыр ловиньтасыг, махмытн карамелькат мисыг, тох Илья Иванович Миляхов кастувес.

«О́тыры Великой Победы. Ванзетур» выставка лупта этпос 22 хоталэ мус сунсункве рови.



Е. Тасьманова, Д.В. Лельхов ос М. Макарова

Оксана АЛБИНА



Щёман Щилька

адомин Селивёрст Семёнович 1922 талт тал котиль этпос 12 хоталт Посалтыт павылт самын патыс. Тав щане Гындыбина Матрёна Васильевна, аще Алгадьев Семён Николаевич. Щёман Щилька маньтагыл Илья Садомин сасген янмалтавес, таимагыс опарищ наме Садоминыг олы.

Яныг хонт порат, 1941 тал вортур этпос 12 хоталэт Селивёрст Семёнович Саквсўнт павылныл, тот хул алыщлым рупитас, хонтланкве вуйвес. Сартын тав Новосибирск ўс похат Аяш терлёнх станциян тотвес, тот морской пехотинцаг ханищтавес, тувыл салтатыт Москва ўсн тётвёсыт, Волоколамский лёнх вуянтым Панфиловский дивизият хонтласыт. Етыл тав Ржев, Смоленск, Тула, Брянск, Сталинград, Курский Дугаг лавнэ мат 61 танковый корпусыт хонтлас.

Хум хотпа нила щёс луванэ-нёвлянэ сакваталвесыт, пульницат пусмалталвес ос элаль хонтланкве ялыс. Литва, Латвия, Эстония, Украина, Белоруссия, Польша,

Германия мат олыс.

Ман, тав нявраманэ, маньтагыл хулыгласув тамле ўс намыт: Киев, Житомир, Варшава, Кенигсберг, Берлин. Германият хонтламе порат тав разведчикыг олыс, 1945 талт янк натнэ этпос 2 хоталт тав Берлин хосыт мот салтатыт ёт танковый разведкат тав ялыс, хот немцат олсыт ос хотыл патлуптасыт, ты урыл ман Берлин ўс карта хосыт вагув, тот ты урыл выгыр щуртмилытыл ос ёнта посытыл послым ōлы. Ётыл ты карта «Нāй-Отыр мā» музейн āтям муйлуптастэ.

1945 талт, хунь яныг хонтлан вармаль астлувес, Садомин С.С. 1947 тал мус ин армият олыс, тав Павлюсский казармаг



С.С. Садомин

лавим мат танкодром кущаиг олыс. Тав немец ос польский латныгтыл ёмащакв потыртас.

Войнаныл ёхтуме порат Садомин С.С. мāгылъятэ мēталитыл суртгыс: **«За** отвагу» тит мёталиг, «За освобождение Варшавы», «За взятие Берлина», «За победу над Германией в Великой Отечественной войне 1941-1945 гг.»», орден «Красной Звезды», «Орден Славы III степени», орден «Отечественной войны I степени», орден «Отечественной войны II степени», «Медаль Жукова».

Потрум ты лāтӊытыл āстлылум:

Потыр потыртэгум амти омам урыл, Сартын латне паты атям эргум щирыл: «Ятил Роман Татья, хот та хонтыглалмум, Ятил Роман Татья, хот та яныгмалум»... л...Атям, мащтыр хумкве, омамн эргыт эргыс, Вагтэ, ятил омавн эрыг

сака эрыс.

Светлана САДОМИНА

www.khanty-yasanq.ru

гов. сертеант Садошин в наступательная вода о 1 по приадтаця. проявил шутевотво и отвощ.

5.3.45г. Садошин во глава группа развединов вел разведку в рже западной окраина гор Кольверг. где обнавущем отступанизу полонну противника, Садошин с груптой розвединов завизал вой где убить выно И меширких голдат, Колона вана задертана доподагува нашия таков и выно разгрошено.
Возвращаяся в задания (правит ризть встрений группу менизе в констебя в в задания превода им бой в результать гего выго урино И вологии и вами в писи вы в в результать гего

28. Дертант (седомин в ноступательнах боях с 16 по 30.445г проявий мутельного и отвану.

Садомин со своим отделением все врещё двинитой в гомовном доворе, своеврешенно доносит командованию где находятся засмове противника.

23.445г. в р-ме Нейнешин Садомин С 32 развединами разведявам маршит по которому двигалась вся бригада. Дойду до шость Садомин ознаучеми 2 тротивотанковае тушки и тумешей про тывшки которог дертами по добиреноми имеет. Согдамин обощем тушки с тама и забросии гранамами. Очи выдомин уничеть помы один развижения и загватим 2 тушки и тумемей.



Пилталыг хонтлум маньщи хум

ван Ефимович Челданов 1923 талт Хальўс район Олттумп павылт маньщи щёмьят самын патыс. Школат овыл классыт астламе юи-палт. Иван тара колхозт вораим ос хул алыщлым рупитанкве патыс. 1942 талт маньполь этпост тав Хальус район военкоматыл хонтлын ман тотвес.

Та порат ман мав Омский область палт хансым олыс. Хумыт щар **овлэт** тув тотвесыт. Тот хонтлын вармальн мощ хаништавёсыт ос элаль кётвёсыт. Иван Ефимович ос тот хонтлункве ханищтавес. Тувыл луима ос Сибирь маныл олнэ хотпат савынпалэ Ленинград ўсн хонтлункве кётвесыт.

Иван Ефимович 1942 талт сукыр этпост тот Синявино районт Волховский фронтыт хонтлункве овылтахтас. Тав тэлы порат товтыл ёмыгтым хонтлыс, разведчикыг олыс. Та мат щар тарвитын хонтлын накыт емталасыт, Ленинград ўс фашистытн мувылтым ощвес, ман хонтлын хотпанув та ўст олум махум ўргалан магыс такыщ алхатсыт.

1943 талт тал котиль этпост Ленинград ляпат «Искра» нампа хонтлын вармаль олыс. Салтатыт нилыт щёс Ленинград ўс вуянтанкве кусыгласаныл. Та порат ущты лащаллащал блокада палыгпаттункве бвылтавес, фашистыт ювле нявлункве патвёсыт. Тонт савынпалэ фашистыт Сталинград ўс нупыл минасыт, тот ōс тарвит хонтлын нак олыс. Тыимагыс Ленинград ўс аквпал ма ломтэ палыгпаттувес, немцыт нявлуңкве патвёсыт.

Ты хосыт «Ладожское» нампа тўр ватат аквхуйплов савиткем верыста панхвит матэ оймалтавес. Сатхуйплов хотал сыс

тот наинтуйт ос машинат яласан магыс лёнхыт варвёсыт. Та лёнх хосыт тэнутпормас тотыглавес, тот олум махум нётвесыт.

Тонт Иван Ефимович Челданов пилталыг хонтлуме магыс «За отвагу» ос «За боевые заслуги» нампа мāгылн тагатан посыгл майвес.


Таве янытлан нэпакт тох хансым олыс:

«1943 тāлт тāл котиль этпос 12-20 щислатыт «Круглая» нампа рощ ватат такыщ мав вуянтавес. Иван мот салтатыт ёт



люльсас, фашистыт нявакв ма-ломт вуянтасаныл.

лым ляльт пилтал хайтыс. 1943 талт тал котиль Этпос нёлоловхуйплов хоталт хонтлыматэ, командире нялн сакватавес, хум хонтлын вармаль такви нупылэ вистэ, салтатыт ёт



И.Е. Челданов

хотпа порславесыт».

1943 талт маньполь этпос оигпан мус Иван Ефимович Ленинградский область Мгинский район кёрлёнх вуянтым хонтлыс. Та мат ман махманув фашистыт ёт това порат катыл алхатасыт. Блокадный Ленинград ўс ўрум немцыт тув минасыт, тот таксар ўргалан ма щёпиталсыт. Ман махманув касың павыл яныг ёрыл вуянтасаныл. Тот тарвитың хонтлын нак сав олыс.

Иван Ефимович Челданов 1943 талт яныгполь Этпос налыман нупыл овыл хоталт Ленинградский областьт Карбусель павылт порславес.

Тонт та мат танкистыг хонтлум хум «Карбусель» нампа павыл урыл стих хансыс. Та стихыт луимат ос Сибирь маныл тот хонтлум махум наманыл урыл потыртас, хумус тан пилталыг хонтлысыт.

Та порат тот патум махум пуссын акв мат ёлщёпитавесыт. Ётыл 1990 талытт ты порсум хотпат Ленинградский область Новая Малукса павыл савынканын тотвёсыт, тот ёл-щёпитавесыт. Иван Ефимович наме ос тот хансым олы.

Хальўс район Ягрим ос Анъя павлыгт яныг хонтыт патум хотпат наманыл састум ахвтастармыл хансым олэгыт, Иван Ефимович Челданов наме остотолы. Рўт махманэ таве кастункве акваг тув ёхталэгыт.

> Хальўс район олнэ-хулнэ нак элаль тотнэ колт рўпитан маньщи нэ **Любовь Вынгилева** к**ё**тум потре маньщи латныг Николай МЕРОВ толмашластэ



Павылт эрнэ лапка акваг вос рупиты

рущ хум Олег Валерьевич Корнявко Хальўс район Няхщамволь павылт лапка оньщи, тот савсыр тэнут, пормас тыналы. Лапкатэ хумус рупиты, хоты маныл тэнутыт ос пормасыт тоты, та урыл тав тох потыртас:

– Āтям рўпататэ хосыт Няхщамвольн ватихал ёхталас, тонт тав ОРС нампа организацият рўпитас ос мань павлытын тэнут тотыс. Тав ётэ това пораттыг яланталсум.

Институт астламум юи-палт Няхщамвольн ёхтысум. Дипломнэпак щирыл ам «товаровед продовольственных товаров» олэгум. Ты павылттэнуттыналанкве патсум.

Та порат тыт миркол кущаиг Мариетта Михайловна Подосенина олыс. Тав анум нётыс, лапкам магсыл тыт кол ёвтсум. Олн хунь сэлсум, яныг кит накпа люлит колкапай унттысум. Махум акв колнакт тэнут, китыт колнакт пормасыт ёвтэгыт. Лапкам 20 арыгкем тал рупиты.

Тыг ёхтумум порат Советский район Малиновский павылныл Няхщамволь мус вор лёнх олыс, 200 вёрыста палыт. Ты лёнх Малиновский леспромхозт рупитам махум сагрысыт. Тувыл мусхалыг аты варвес, ань лап-яныгмавес. Щар овлэт ты тэлы лёнх хосыт тэнут тотыгласум.

Ёмас лёнх тал Няхщамволь павылн

тэнутыт ос пормасыт тотункве ань сака тарвитын. Ам яныг машина оньщегум, тэлы лёнхыл Екатеринбург ўсныл павыл мус акв щёс тара 15 тонна тэнут тотэгум. Та ўст ёвтхатункве тынталнув, таимагсыл тув ялантэгум.

Юи-овыл кит тал тэлы лёнх Светлый павыл тара варыглаве, тувыл миннэ лёнхув яныгсат верыстан хосагнув ёмтыс. Та мат газ турпат минэгыт, рётын юсвой этпост ос маньполь этпост ты лёнх ватихал лап-пантыглаве ос яныг машинат яласанкве ат тартавет. Манавн ты вармаль урыл нэмхотьют аты лави, това порат яныг машинан талттым тэнут ёт лёнхыт та ўрхатэв.

Ам Няхщамвольт сав тал рупитэгум, ёмащакв ваглум, павлын мир маныр ёвтункве патэгыт, та пормас ос тэнут яныг ўст катынпаттэгум. Саккар, щай, вой, колас ос мот тэнут тэлы лёнхыл савнув тотэгум. Павылт яныг ампарыт оньщегум, тув пиныянум.

Ос махум акваг лавиянум, тэлы машинал ўсн ке минэгыт, ты тэнут



О.В. Корнявко

танки савнув вос ёвтэгыт. Това порат туяг манос таквсы саккар, вой ос мот тэнут лапкат атим. Тамле тэла ман палтув ос олыглы.

Туя пасныл ос таквсы мус тэнут хапыл тотэв. Ам кит яныг хап ёвтсум ос моторыл ўнттысагум. Тэнутыт Югорск ўсныл Агириш мус машинал тотыянўв, тот яласан ёмас лёнх олы.

Та павьилныл Ворья мус лёнх атим, 60 верыста ман вездеходыл манос «Урал» яныг машинал минэв. Ворья ватат тэнутанув хапын талттыянув. Ты я хосыт кит хотпаг хапыл Тапсуй я мус минэг, элаль Тагт ян ёхтэг ос тот алгаль Няхщамволь мус. Ты хурум я хосыт миннэ лёнхен 160 верыста палыт. Витэ хунь яныг – молях ёхтэг, таквсы вит сака мань, миннэ



Няхщамволь павыл лапкат рупитан нэ



Лапкат тыналан пормасыт



поратэн – сат хотал. Тох савалым тэнутанув павыл мус тотыянув. Това порат павлын мир лапкан ёхтэгыт, китыглахтэгыт: «Манрыг тэнутанын тыныныт?»

Няхщамвольт рупитанкве хунь овылтахтасум, туи вертолётыл пормасыт, тэнут тотыгласум. Ань тох кетункве сака тынын.

Хапыл Няхщамволь павыл хумыг рупитэг, тэн ят ёмащакв ваганэн. Лапкат рупитан хурум хотпа кос эри. Тувыл юи-овыл талыт павлын мир халт рупитан махум щар ат хонтэгум. Тан тыт рупитанкве щар ат касащегыт.

Акв порат тыналахтын хотпат тал хунь хультсум, лапкам лаппаттункве кусыгласлум. Ты вармаль урылмиркол кущаитнлавсум, Татьяна Константиновна Волкова анумн рупитан хотпа кос хонтыс, тувылтан рупитанкве ос сака ат танхегыт. Ань лапкат Галина нэ рупиты, тав пенсият хосат олы, тувыл мот хотпа воссыг атим.

Маньлат хотпат ань пуссын яныг ўсн олункве вантлэгыт. Касын тал Няхщамвольт олнэ мир мощщагнув емты. Ам ты урыл ёмащакв ваглум, махум ань тэнут, пормас сав ат ёвтэгыт. Элаль тох ке мины, лапкам, соль, тах лап-пантылум ос ювле Югорск ўсн минэгум.

Акв лапка Хулюмсўнт павылт пўнсункве номсэгум. Тот мир савнув олы, ос та павылт «Газпром» рўпиты. Няхщамвольт аквта щирыл элаль ке рўпитэгум, олн сэлункве тах щар ат патэгум. Ты яныг лапкам хунь ўнттыслум, нянь варункв номсысум. Нянь варнэ кўр ос мот эрнэ утыт ёвтсум.

Ты рўпатам магсыл Хальўс районный миркол палныл субсидия-олныл минкве лавыглавёсум. Тувыл ты олныл аты майвёсум, ёвтум нянь варнэ кўрум ин ты мус тэла тал ўнлы. Ань павлын махманув пуссын танки нянь варёгыт, лапкат ёвтункве ат патэгыт.

Олег Валерьевич тэнут коныпал савсыр пормас, маснут лапкан тоты. Кол ўнттын махумытын тав норыт, партыт, керсолит, иснасыт ос мот эрнэ пормасыт яныг машинал тэлы лёнхыл тоты.

Людмила ТЕТКИНА

Савсыр атын тэнут тыналавес

ы юи-овыл этпосыгт ущлахтын хоталыт округувт олнэ яныг ўсытт тыналахтын вармалит варыглавет ос савсыр тэнут варнэ организацият тув вовыглавет, рущ латныл «выставка-ярмарка выходного дня» лававе.

Янк натнэ этпос 14-15 хоталыгт тамле тэла Ханты-Мансийск, Нижневартовск, Сургут ос Нягань ўсытт олыс. Ты яныг ўсытт олнэ мир савсыр атын тэнут ёвтункве тув ёхталасыт.

Ханты-Мансийск ўст тамле суссылтап хўрмит щёс щёпиталвес. Тот махум хўл, нёвыль, пил, паквсам, лахс, нянь, щаквит, щай ос сав мот тэнут ёвтункве вовыглавесыт.

Саранпавыл совхозт рўпитан хотпат Ханты-Мансийск ўст салы нёвлил варим тушёнка панкат, колбаса ос тосам нёвыль тыналасыт. Тан тэлы лёнхыл салы нёвляныл Тюменский область Ялуторовск ўсн тэнут варнэ заводн тотыгласаныл. Тот 25 сотыра тушёнка панкал ос колбасал варвёсыт. Ань ты тэнутаныл савсыр суссылтапыт тыналыяныл. Совхозт рўпитан хотпат лавёгыт, ты тэнут махум сака ёмащакв ёвтэгыт, акв тушёнка панка 250 солкови, акв колбаса охса 400 солкови тынэ.

Нижневартовск ўсныл «Санта-Мария» хўл щёпитан колт рўпитан



Тэнут тыналан нэ



Саранпавыл совхозт варнэ тэнутыт

махум тыг ёхталасыт. Ты хўл щёпитан завод ўст 1998 тал пасныл рўпиты. Ман округувт ты щар яныг хўл щёпитан колыг ань олы, тот рўпитан хотпатхўл панкат, солвалын хўл ос мот савсыр атын тэнут варегыт.

Ты тал ретың юсвой этпост Москва ўст «Санта-Мария» хўл щёпитан колт рўпитан махум тэнутаныл мирхал касылт «Лучший продукт-2022» нампа номинацият янытлавесыт. Суссылтапт тан сыг майтыл ос сорх хўлныл танки варум тэнутыл нох-патсыт. Хўл панканыл ос мот тэнутаныл округув янытыл олнэ лапкат ань ёвтункве рови.

Хонтан район Лиственничный павылныл махум тыналахтункве ос вовыглавесыт. Та павылт 2010 тал пасныл Фёдор Чурилович мис янмалты. 2016 талт тав округ миркол палныл олныл тастыглавес, тонт тав мис щаквитыл савсыр тэнут варнэ завод ўнттыс. Ань тот мисвой, щаквит ракс ос мот тэнут щаквитыл вараве.

Юи-овыл талыт фермат рупитан махум тэпкант картопка унттэгыт ос мот тэнут янмалтэгыт, тох олн сэлэгыт. Ханты-Мансийск усн тан мис нёвыль, щаквит ос мот савсыр тэнут тыналасыт. Тэнутаныл мощ тынталнувег олэгыт, тыимагсыл махум сака ёмащакв тот ёвтхатэгыт.

Тамле суссылтапыт округувт ань ватихал варыгланкве тах патавет, махумтыт варумтэнут ёвтункве вос ханьщувлэгыт.

Людмила ТЕТКИНА



70 – тāлэтыл янытлылув!



К.И. Сызарова, А.Н. Мехнина, Л.К. Зубакина, М.В. Ковалюк, М.Е. Макарова

льбина Николаевна Мехнина ты этпос **Н**ват нупыл китыт хоталт 70 талэ товлыс. Тав хосат тагыл Ханты-Мансийск ўст олы, юиовыл талытыт «Торум Маа» нампа музейт Юван Николаевич Шесталов мемориальный музей-колнакёт рупитас. Молтынув пенсиян патхатас, ань такви колтагыл рутанэ овылтыт нэпак хансы.

Альбина Николаевна нёмса хотпа, такви урёт сав ат потыртас. Тав Восынтур школа астламе юи-палт мань няврамыт ханищтан нэг ханищтахтас ос тувыл лов тал аквты школатэт рупитас.

Ётыл, 1981 талт, мот рупата пумщалым Ленинград ўсн минас. Тот «Просвещение» нэпакыт таратан колт редакторхотпаг рупитас. Тонт лўима мирыт няврамыт школат щань латнаныл ханищтан магыс сав нэпакыт щёпиталвесыт ос тараталвесыт.

2003 талт Альбина Николаевна пыгаге ёт Восынтурн ювле ёхтыс ос тот маньщи латын ос литература урокыт няврамытн ханищтас. Туи павланыл ляпат «Чуанель» нампа няврамыт ўщлахтын лагерь варсыт ос тав тот кущаиг олыс.

2007 талт Альбина Николаевна Ханты-Манлатың ос культура нохвормалтан лаборатория-

сийск ўсн вантлыс, ЮГУ ханищтахтын колт Юван Шесталов маньщи колнак варыс, тав тот



А.Н. Мехнина, С.С. Динисламова ос Л.К. Зубакина

Та сыс тэн Юван ёт ўст олнэ маньщит ёт акваннётхатым Венгрият 1892-1921, 1952 oc 1963 тāлытыт хансыглым пёст потрыт, мойтыт рущ латнын толмащласаныл ос нэпакыг таратасаныл. 2017 тāлт А.Н. Мехнина «Сорни сым» номинацият яныг премиял муйлуптавес.

Маньпоратэ, самын патум матэ номылматым, омаге-атяге овылтыт Альбина Николаевна тох потыртас:

– Ам Хāльӯс район Тэ̄к павылт Шесталов маньши щёмьят самын патсум. Омагум-атягум сав няврам янмалтасыг, ань эщанум ос апщиянум, канканум халт нан Юван Николаевич Шесталов, маньщи ос рущ потрыт, стихыт хансум хотпа, ёмщакв ваглын.

Āщув Николай Тимофеевич Шесталов янк натнэ этпос 9 хоталт 1910 талт Хомрат павылт самын патыс.Тав 1942 талт хонтлункве тотыглавес ос тот Сталинград ўст пилыщман хонтлын ман ликмыглас. Етыл нюлмиянэ паттат юв кётвес, бвлэт Хальуст пусмалтавес ос тувыл районувт мāнь павлыт олнэ колхозыт

председателиг рупитанкве паттувес.

Тох Тэк павылт рупататэ **ОВЫЛТАСТЭ**, МАН ТОТ ТЫ ОЛСУВ, яныгмасув, тувыл Лопмуст, Яльюст ос Тарыг-сав-павылт олнэ колхозыт нохвормалтанкве кетыглавес. Ётыл ман щёмьял Восынтур павылн вантлысув ос тув та олмыгтасув.

Омав, Ирина Степановна, тот интернатыт тэнут пайнэ нэг рупитас. Тав яныгполь этпос 7 хоталт 1925 талт Тарыг-сав-павылт самын патыс. Юван каңкум такви хансум стиханэт ос потранэт омав акваг ёмас номтыл кастыгластэ. Амки ос яныгпалаг емтсум, ань тыг мус таве сака Эруптылум.

Ань пёс порат блнэ маньщи накыт пумщалыянум, хонтлункве тотыглым Шесталовыт ос мот рутанум наманыл, олупсаныл тара-паттыянум. Тувыл тан овылтыт нэпак таратанкве номсэгум.

Маньлат агитн-пыгытн таи лавункве танхёгум, тан ляпанылт олнэ матумпала хотпат танки рутаныл **ОВЫЛТЫТ МЎСХАЛЫГ ВОС КИ**тыглыяныл. Матыр хўнтамлан потрыт ман эргыт нэпакн вос хансумтыяныл. Матыр-ати ань тара ат ке паттыяныл, воссыг хотыл тан мак латың хонтэгыт. Маньщи миркеныл ўргалым ос эруптым вос оньщияныл, щань латнаныл ул вос ёрувлыяныл.

Ман, маньщи газетат рупитан хотпат, Альбина Николаевна янытлылув, сымн ровнэ ёмас латныл лавилув, пустагыл сав тал элаль вос олы, Торумн, Най-Отыранэн вос ургалаве.

Тамара МЕРОВА



Учинь-я вата павылт олум вармаль

оловинка павыл Урай ўсныл 23 вёрыстат олы. Тав тит павлыг халт олнэтэ магыс тох намаявес, Тап ос Учинья павлыг халт. Павыл луи ёрыл Хонтаң-я овты, алы ёрыл – Яныг Учинь-я. Половинкат сотыра арыгтем хотпа олэгыт.

Янк натнэ этпос 3 хоталэт ман, нэпак хаснэ хотпат, ты павылн ялсув, тонт клубыт акван-атхатыглан вармаль варыглавес. Тав литературный гостиныиг «Мы помним лето 1941го» намаим олыс. Ты вармаль яныг хонт оигпам пасныл нёлсат нупыл сат



А.Ф. Копьева

тал товлуме магыс варвес.

Ханты-Мансийск ўсныл ёхталам нэпак хаснэ хум Игорь Ширманов яныг хонт порат олум накыт урыл такви хансум потранэ ловиньтасанэ, таве хунтлым махум самвитаныл нэглысыт, това героянэ салитан магыс ос манхурип яныг тарвит ёт хонт порат ман мирув нох-патыс.

Половинка павылт олнэ маньщи нэ Алла Копьева стихыт хансы. Тав хонт урыл хансум мань потранэ ловиньтас, тувыл стиханэ Александр Васильевн эргыг варвесыт. Эрыг хосыт стихыт сака нётнэг суяныл олэгыт. Эргум хум Урай ўсныл ёхталас.

Мот хум хотпа Иван Мещеряков ос Алла Копьева потранэ ловиньтасанэ. Тасавит сав потыр ты хум, насати, ваг, таланэ янгыг кос олэгыт, ос стихыт щар



Ханищтахтын няврамыт

маньлат пыг хольт нётнэг ловиньтыянэ.

Междуреченскийныл Галина Николаевна Кадулина ёхталас, тав ос поэт нэ. Мирн ялпын хотал кастыл янытлан латын лавыс, потранэ ловиньтас. Тав стихе «Курганы войны» Александр Васильев эргыг эргысанэ, Иван Мещеряков това стихыт потрыг потыртасанэ.

Сав ёмас номт, ёмас латың ёхталам хотпат хўнтамласыт, савынпалэ клубн маньлат хотпат ос ишколат ханищтахтын āгит-пыгыт ёхталасыт. Тāн магсыланыл поэтыт сымын

латың тиссыт, эрнэ латың лавсыт: сорни хоталакве аквписыг ма-вит вос поступтытэ, няврамыт нэматыр хонт пилыщма ул вос васыт, мот хон махмыт вос ротмынувыт, номтаныл эрнэ щирыл вос ёхнувыт, яныг саватпи мирн ул вос тотнувыт.

Половинка павылт клубт рўпитан хотпат сав щёс ишколат ханищтахтын няврамыт ёт хонтхатыглэгыт, тан магсыланыл савсыр акван-атхатнэ вармалит варыглэгыт.

Маньлат хотпат халт сав волонтёрыт олэгыт, тан кущай агияныл Ирина Киргинцева. Клуб кущаиг Галина Мостовых рупиты.Ты хотпагн пумащипа латын лавев тамле ёмас рупата варнэтэн магыс.

Ос газета хосыт пащалахтын латың тетэв ветераныт Советаныл кущаин – Члек Надежда Степановнан, библиотека кущаин Нямикова Людмила Молотовнан ос клубт рўпитан нэн Мария Анатольевна Богданован. Ос ёмас олэн, ятил махумаквет!



Няврамыт ос яныгпала махум акван-атхатыгласыт

Светлана САДОМИНА



Рāтиват аквъёт рўпитам хōтпанэ номиянэ

россия янытыл янк натнэ этпос сатыт хоталэ – Ратива янытлан хоталыг олы. 1895 талт Санкт-Петербург ус университетт физикохимический нампа колнакт Александр Попов овыл щёс керквалгыт хосыт ратива щирыл сумыллан суит такталас. Ань та пасыл махум ратива хотал та янытлыяныл.



Н.К. Партанов

Ханты-Мансийский автономный округт олнэ махум Москва палыл ратива хосыт потыртан суе щар овыл щёс 1925 талт яныг таквс этпос сатыт хоталэт хунтамласаныл.

1932 талт ретың юсвой этпос ват нупыл атыт хоталэт сосса мирув магыс ратива колнак щёпитавес, ос тот округ ляххалыт ловиньтанкве патвёсыт.

Тувыл ущ ратива рупитан янас кол варвес, ётылнув аквтох телевидение суссылтан утыт щёпитавёсыт, ос ты коланыл «Югория» латныл пинсаныл. Ты талт округ ратива рупитанэтэ пасыл 90 талэ товлыс.

Никита Калистратович Партанов Ханты-Мансийскан ёхтумёт бвлэт та колн рўпитанкве патхатас. Ань маныр щирыл тот махум рўпитасыт, танки халанылт хумус блсыт, ты бвылтыт потыртас.

– Ам 1960 талт янк натнэ этпос 9 хоталэт Хальус район Йильпи павылт самын патсум. Амкинам хота пасыл номилум, ман юн акваг ратива хунтлысув.

Ты потыртан мань хусапакве касын щемьят ощсыт. Тонт махум тав щиретыл щёсаныл уральтасаныл, алпыл нох-квалэгыт – савсыр ляххалыт ос торум манхурип хотал

вари, таи хунтлэгыт, обед тэнэныл сыс ёмас эргыт эргавет, этипалагосматыратил пумщалахтасыт.

Ратива приёмник хосыт хунтлан потрыт ман эргыт махум танки магсыланыл периялсаныл. Потрыт ос эргыт сака эруптан порат ратива суе мощ такыщнув варсаныл, ос потыльма варнэт магыс щар суйталыг варапалсаныл.

Ань тыг мус номилум, тонт КПСС вармалит овылтыт хотал палыт потыртанкве вермысыт, Ленин-ойка хансум нэпаканэ ос ловиньталвесыт. Махум аквта холыт номсункв ос олункв хаништавесыт.

Ман юн «Океан» нампа ратива хусап ощсув, атяв тав хосытэт этипалаг сыресыр ративастанцият хонтыглас, ляххалыт ман эрыгсовыт хунтлым ман ёл та оилматавев.

Ративал маньтагыл сака пумщалахтанум, това передачат анумн сака мустысыт. Тованакт номсэгум, аман ул тонт тамле рупатан патхатункве Найотыранумн лаввесум.

«Югория» нампа колт ам 1990 талт сукыр этпосныл рупитанкве патсум. Та порат тув маньщи латныл ляххал потыртан хотпа кисвес. Овлэт тот Рая йигрищум рупитас ос тав похан минас.

Тонт та колт Александр Витальевич Конев кущаиг олыс. Тыи сака номтын ос вещкатыг олнэ хум хотпа, сыресыр тарвит вармалит ёмщакв, номтыныщ щёпиталсанэ, таимагыс махумн эруптавес. Тав ты анум маньщи латныл ляххал тотнэ хотпаг вистэ.

1990-ит талытт «Югория» нампа округ телератива-колт сосса махум щань латныл потыртан вармалит савмалтанкве патвесыт.

Тув ханты ос маньщи латын ванэ хотпат кис-маявесыт. Та щирыл ам коныпалум ханты нэ Раи-



«Югория» нампа ратива-колт 1990-ит талытт рупитам махум



Ф.Евсеева, Е.Н. Вожакова ос Г.И. Слинкина, 1997 тал



са Неттина ос Светлана Захарова рупитанкве вуйвесыг ос ляххал тотнэ рущ редакциян Эдуард Нагуманов ос Светлана Хау́стова рупитанкве ёхтысыг. Тэн тонт сас Уральский государственный университет астласыг. Ос Ханты-Мансийский педучилище астлам пыг Василий Овсянкин тув ос вуйвес. Тан аквъёт савсыр сапранин, ханищтапытн, суссылтапытн ялантасыт ос тара-паттум тэлат урыл ляххалыт хассыт.

Щань латныл потыртан колнак урыл

Никита Каллистратович та порат щань латныл рупитан колнакет пунктотнэ хотпа урыл ёмас латын лавыс.

Тыи Алексей Михайлович Сенгепов, тав педучилищат ханты латныл агит-пыгыт потыртанкве ханищтасанэ, «Ленин пант хуват» ханты газетан потрыт хансыс ос Āс-угорский махум институтт матахмат тал рупитас.

Та сыс ратива магыс савсыр передачат щёпиталыс. 1972 талт Россия тармыл журналистика Союзын пирмайтавес ос СССР журналистикат овыл степень Дипломыл муйлуптавес.

– Ты Элумхолас ляпат рупитанкве щар яныг сот олыс, – Никита Партанов лавыс, – хотпа нупыл ёмас самыл сунсыс, тувыл такви латне щирыл тэлат макыг варсанэ. Ман рупатав варнэв магыс такыщ кисхатнэ хотпаг олыс, хотпан торастахтым нэматыр ат хултыглас, нас мощ Элыл ман нупылув арталахтым сунсыс.

Хот матыр ат ке торгамтасув, тавёныл нётмил китыгланкве вёрмысув. Маньлат хотпат тав нуплэ



ат кантлысыт, тан тав мутранэ элаль ханищтым олсыт. Ам ань тамле хотпа похат рупитамум ос олмум магыс, элаль олнэ посын хоталт таве акваг кастылум.

Тувыл Никита Партанов Москва ўст Останкино, Шабаловка ос ВГТРК телерадиокомпаният ляххал тотнэ ханищтапн кётыглавес. Тот журналистика тэлат ёмщакв тарапаттысанэ, савсыр телеведущийт ёт вайхатас ос ищхйпын утыл рўпитан накыт касалас. Юв ёхтумёт тав маньщи латныл ратива передачат мўсхалыг щёпитасанэ.

Сав мирыт халт хумус рупитасув, олсув

Тонт 1990-ит талытт махум тарвит олупсал олсыт. Товат рупата тал хультсыт, лапкат торын тэнут ат ощсыт, сыресыр сыртапыт, саккар ос вой талон щирыл тыналавес. Ань та пора ин сав махумн номаве, тан пес щирыл воссыг олункве ат тахсыт, пуссын элаль олнэ ёмас хотал пойкщасыт.

Яныг ўст олнэ хотпат касын хотал матыр тарвитын ликмаласыт, аквхурип хотпа тонт хунь олыс. Хот лапалалавет, матараныл тулмантавет,

таимагыс махум халмалтахтасыт. Ляххал тотнэ хотпат ты вармалит урыл, вайм, аквписыг потыртанкве ат касащасыт. Махумн мот ёмас тэлат урыл потыртанкве эрыс, тан номтаныл ул вос саваласыт, ёмас агтыл пинункве эрсыт.

Тувыл телерадиокомпаният рупитан хотпат мирын мат та хольт савсыр ёмас тэлат тара-паттыгласыт ос хоты ёмас хотпат овылтыт ратива хосыт потыртасыт, телевиденият суссылтасыт.

Ты рўпата тох мўсхалыг элаль тотнэ магыс Никита Каллистратович ань аквъёт рўпитан хотпанэн пумащипа латын лави.

- Тонт Татьяна Фишер ос Тамара Давыдова телефонограмма хосыт сав маныл ляххалыл кетавег ос тананыл молях щёпитанкве ос элаль мань ляххалыт хаснэ магыс Нина Николаевна Копнован тотыглавесыт. Тав щёпитасанэ ос Вячеслав Керамович Аскеров тананыл тара ратива хосыт ловиньтас.

Любовь Васильевна Лущай округт олнэ махум урыл сака пумыщ потрыт хансыглас. Тан пуссын анумн ляххалыт ман потрыт номтыныг хансункве

нётсыт, матыр-āти хултсыт. Манах щёс ляххалыт ёмщакв ловиньтан магыс ам Валентина Сергеевна Матвееван, звукорежиссёр нэн, ханищтавёсум. Аман хота мус тав вёритым анумн лавыглас: «Ты латнытыл йильпииг овылтэлын», ос ам ляххалум оста йильпииг ловиньтылум.

Та тарвит талытт Тамара Емельяновна Сутягинан, телератива колт кущай нэн, ман пуссын сака ёмщакв нётвесув.

Тованакт рўпата олнанув ойтункве тара ат вёрмавет, тонт тав тэнут тыналан хотпат ёт потыртахты ос арнтаг тэнут выг.

Тувыл ман ётув рупитан нэт тананыл лакквауртыяныл ос сэлнэ олн пентсылув касың хотпав тэнутхурыгсовылмыганыл.

Мāнавн та порат рўпитам ўс кўщай хум Владимир Яковлев нётыс.

Тох та тарвит талытыт ман, «Югория» нампа колувт рўпитан хотпат, акван-потыртахтым, акван-нётхатым олсув.

Махумн ань ос аквтох элаль олункве эри, таксарыг олнэ нак вос ощсув.

Тамара МЕРОВА



Мāньщи мирув пормасыт суссылтавет

вердловский область Ивдель ўс ляпат маньщи махманув пёс йис тагыл олэгыт. Ты ўс Лўсум маньщиянувн Сапса ўсыг лававе. Тот сака ёмас музейкол олы, И.Е. Уваров ойка намыл пинвес. Акв колнак маньщи мирув торыг варима. Музей кущай Людмила Николаевна Зайкова тох потыртас:



Л.Н. Зайкова

– Ты кол няврамыт ханищтам хум Иван Евлампьевич Уваров 1928 талт варункве номылматастэ. Тонт ўсув село Никито-Ивдель лаввес.

Тав латын кетыс, ань павыл мир музей щёпитан магыс пес пормасыт вос атэгыт. Иван Евлампьевич Пума я ватат олнэ маньщи няврамыт ханищтас, эрыг ос катыл послын тэла учителиг олыс.

Музейт ман сат хотпа рупитэв. Пормас суссылтан магыс сат колнак варим олы, тан халанылт акв колнак сосса мир магыс щёпитаслув, тот Лусум маньщит олупсаныл ос культураныл урыл потыртэв.

Ты колт сав пормас акван-атым олы – маснут, сыре-сыр алыщлапыт, анысаныт, пес хурит, нэпакыт ос мот сав ощнутыт, пормасыт.

Ивдель ўс

Овыл колнакт Ивдель ўс урыл потыртэв, махум тыг хунь олмыгтасыт, хотыл ёхтахтасыт, хот рупитасыт. Пёс хурит, щёсыт, сунтуктотап, эрыг хунтлын граммофон, маснут-ощнут, та маныр суссылтэв.

Ивдельт овлэт сорни ловтнэ фабрика олыс, махум янгыщ тот рупитасыт. Тонт та мат овтнэ касын ят сорни кисвес, хилвес. Сав купеческий колтаглыт олсыт, тан ос пуссын сорни атсыт. Ты щёлын махум



Ивдельт олнэ И.Е. Уваров нампа музей

палт мёталахтам хотпат рўпитасыт. Купсат танти лапкат ощсыт, нас рўпата варнэ хотпатн акваг нётсыт, тан магсыланыл колыт ўнттысыт, тэнутыл ос мот эрнэ пормасыл арнтаг майлысаныл, нётсаныл.

Ты мат пес йис тагыл маньщи мир олыс, мак сосса махум тан ты. Рущит ос мот мирыт тыг 1588 тал порат олмыгтасыт, Лозьвинский городок унттысыт. Та пасныл тан маньщи махум ёт юрщхатасыт, халаныт пентхатункве патсыт – сосса махум нёвыль, хул ос уйхул совыт ощсыт, элыл ёхтум махум ос эрнэ пормасыт тотыгласыт, таил пентхатсыт.

Лўсум маньщит

Китыт колнакт маньщи мир пормасаныл онь-

щиянўв — сасныл варим ёрнкол, ўра, хап, салынсун, маснутыт, апа, санквылтап, анысаныт ос мот сав пормасыт суссылтэв. Сосса махум пес тагыл салы ўрим олсыт, вораясыт, хул пувсыт, таимагыс тыг ань савсыр алыщлапаныл, сыпалин касаяныл оснпинсанўв.

Пёс пормасыт манти кинсэв, хот-ати ёвтэв, тованакт маньщи хотпанув щалтсэгыт, матыр тотэгыт, китыглахтэгыт, музейн эри ман ати.

Атхунь эри, лавев, пес матаранын пуссын ман палтув тотэн, ман тах мирн суссылтыянув, потыртэв, элнан махманын хумус олсыт, маныр ощсыт.

Ты пёс хурин Лўсум маньщит послувёсыт – Прокопий Бахтияров, Вла-



Лусум маньщит пормасаныл





Маньщиянув салыл Ивдельн ёхталаманыл порат



Музейт рўпитан хотпат ос маньщи махум

димир ос Коля Анямовыг, Таня ос Миша Пеликовыг. Маньщи суп – ты Аня Анямова мань порат оньщум супе.

Музеювт акв мащтыр хум Алексей Борисович Варов рўпиты. Тав маньщи няврамыт ос яныгхотпат ёт сасныл сыре-сыр хусапсовыт, анысаныт, пайпыт ос совтыт вари, ўльпа тарныл матыр-ати сагегыт, янге-мане ханищтыянэ.

Молты тал Полуночный павыл школат ханищтахтын маньщи агирищиг Таня Анямова ос Даша Дунаева мащтырлан няврамыт халт всероссийский конкурсыт нох-патсыг.

Сасныл хусапсов ос совт юнтсыг, хорамыл щуртсаген. Каркам агииг янытлан нэпакыл ос муйлупсал майвесыг.

Рущ колнак

Ты ос рущ колнак. Ивдельн ущ ёхтум рущ махум хумус олсыт, маныр ощсыт, таи суссылтэв – кур, няврам нёвитан ма, пасан, улас ос мот пормасыт. Ткацкий станок оньщев, ань тыхотал мус рупиты.

Сэтапытыл хартыслув, ййвовлытыл ёргыслув, тот тор варев. Муй махум ляпан унтсэгыт, мощ рупитэгыт. Няврамытн тай пумыщ, маттем та ханищтахтэгыт.

Хосат олум тэлат

Акв колнакт Советский власть ос Гражданская война пора урыл потыртэв, хурит ос эрнэ нэпакыт суссылтэв.

Ивдельлаг тэла магыс ос янас колнак варсув. Овлэт Лесоуправление блыс, 1937 талт рупитанкве патыс. Тонт ты мат 50 лагпунктыт олсыт (исправительный колоният), ань туп хурум хультыс. Та порат тыг ёрвагыл трудармейцыт, политический заключённыит ос спецпереселенцыт тотыглавёсыт. Поволжье маныл немец махум щемьян тагыл кетыглавесыт, кущаит номсысыт, тан фашистытн нётункве патэгыт.

Ман странав магыс ты сака тарвитын пора олыс, ос ўсувн тав яныг парыс тотыс – та порат ты ман яныг учёныит, мирн ванэ хотпат, леккарыт, нэпак хаснэ махум ёхталасыт.

Тан лапкат рупитасыт, махум пусмалтасыт, школатыт няврамыт ханищтасыт, нэпакыт хассыт, наука щирыл ос колыт унттын мат рупитасыт.

Нэпак хаснэ ойка

Тынакт музейн нэпак хаснэ хум, краевед ойка Феликс Яковлевич Соломонович 10 том ощнэ нэпак «Книга памяти жертв политических репрессий»

муйлуптас. Нэпакт та порат Свердловский область янытыл олум махум, савалам мир наманыл хансым олэгыт.

Музеювт наука щирыл рўпитан хотпа ат оньщев, тамле эрнэ нэпакытмусхал щирыл ловиньта нкве ос ханищта нукве эри, хуньт йильпи нэпакыг варнуван ув.

Феликс Яковлевич молты порат акв нэпаке ос Лусум маньщит урыл хансыстэ, тох намаястэ: «Здравствуй, мансийская страна!» Ты хотпан ман яныг пумащипа латын лавев. Тэлы ойка 85 талэ товлыс, сав тал пустагыл вос олы.

Хонтлын нак урыл

Акв колнакув 1941-1945 талытт хонтлын нак урыл варыслув. Ивдель усныл ос районныл 2 сотыра 800 арыгтем хотпа



хонтлын ман вуйлувесыт, тан халанылт 1 сотыра 117 хотпа ювле ат ёхтысыт, тот хот та патсыт манос хотталь тыпсыт.

Музей похат тан магсыланыл памятник люли, наманыл тув хансым олэгыт. Сат хотпа Герой Советского союза яныг намыл майлувесыт, пуссын юв ёхталасыт.

Маньщи махум хонтлын ман ос вуйлувесыт. Юн олум махманыл фронт магыс сав рупитасыт – хул алышласыт, пил ватсыт, вор уйхул сов катын-паттысыт, олн атсыт, экват хонтлын маныл оймалтым савалап няврамыт ос салтатыт магыс регын маснут, лагыл маснут юнтсыт.

Ивдель ўсканн Лўсум маньщит салын тагыл ёхталасыт, тыт сака сав салыяныл нёвлиг варвесыт, тувыл та нёвлит поездыл тара фронтын тотвесыт. Тонт Советский Союзтолум савсыр мирыт тох акваннётхатым, акв ёр варим нох та патсыт.

Ань музей кущай Людмила Николаевна Зайкова потре та оигпас. Тав вёщкат, сымын нэ. Маньщи махманув овылтыт эрпыныщ потыртас, сав ёмас латын лавыс.

Светлана РОМБАНДЕЕВА



Ханты хум йильпи нэпак хансыс

Владимир Егорович Енов, ханты хум, тўяг хотпан нупыл ат талэ товлыс. Тав «Ханты ясан» газетат ляххалыт тотым рўпиты. Ты коныпал хум мойтыт, стихыт ос пёс йис потрыт нэпакн хансы.

Янк натнэ этпост хус хоталэт нэпак ловиньтан округ колт тав «Два мальчика ростом с пальчик» (Тулёвыл яныт кит пыгрищиг) нампайильпи нэпаке урыл махумн потыртас.

Ты нэпак Владимир Егорович ханты ос рущ латныл хансыстэ. Россия мавт олнэ нэпак хаснэ финно-угор хотпат ань ты стихе саран, коми-пермяк, удмурт, марий ос мордовия латнытыл толмащласаныл. Тот ханты, маньщи мирув пёс йис олупса урыл хансым олы.

Владимир Егорович Ямало-Ненецкий округ Шурышкарский район Карвож павылт хул алыщлан ос вораян щемьят самын патыс. Тāн колтагланыл лов няврам яныгмасыт: ат пыг, ат аги. **Аще мань Ас ос яныг Ас** яг хул алыщлым яласас, тот йис ма оньщис. Оматэ ос хул алыщлым яласас, тав сака мащтыр нэг олыс, нявраманэ магыс такви матыр-ати маснутыт юнтыс. Тан павланылт ат кол ўнлыс. Тот олум ханты махум пуссын хул алыщлым рупитасыт.

Владимир опаге-щащёкваге палт сатхуйплов талэ товлум мус акваг олыс. Тан мисыт, лувыт ос мот ўйхулыт ощсыт. Пыг маньтагыл юн савсыр рўпата варыс. Этипалаг опатэ тавён мойтыт мойтыс.

Тонт мань пыгн та мойтыт сака сымын хоясыт. Ётылтав школа-интернатт ханищтахтуме порат, юртанэн ты мойтыт ос потырталыс, няврамытн хунтлункве сака мустыс.

Маньлат пыг школат лов класс астламе юипалт тара хул алыщлым рупитанкве овылтахтас, опаген-щащекваген нётыс. Тувыл армиян тотвес, Германия мот хон мат кит тал лусытас. Ётыл юв ёхтыс, ос аквта ман хул алыщланкве патхатас. Тыхал тот колыт унттым рупитас.

Владимир юн мощ олыс, ос элаль ханищтахтункве минас. Тав Томск ўс педагогический институт астлас. Тот ханищтахтаме порат нэ тотыс. Ханищтахтын маныл астуме юи-палт, тот хультыс, школат няврамыт ханищтым лов тал рупитас.

Тувыл щёмьятэ ёт Ханты-Мансийск ўсн вантлыс. Тыт



В.Е. Енов

овлэт «Югория» нампа телерадиокомпаният рупитас. Сосса мир урыл ляххалыт потыртас, кинат варыс, ос номтэ щирыл потрыт хансункве сака касащас. Тыиматыс 2003 талт Владимир Егорович «Ханты ясаң» газетан рупитанкве патхатас. Ань ты хотал мус тыт потрыт хансы. Ты халт такви хансум нэпаканэ тараты. Хум 2005 талныл Салехард ўст олнэ «Лух Авт» (Ангальский мыс) нампа газетан потрыт кёты, тот ос корреспондентыг <u>о</u>лы.

Ты сэрьёр ханты хум Ханты-Мансийск ўст рўпитанэт сыс пуссын аквъёт нила нэпак хансыс. Тав 2012 тāлт «Сказы рода правдивых людей», 2014 талт «Подарок Менква», 2015 талт «Обские люди», ос ты тал «Два мальчика с ростом пальчик» нампа нэпакыт таратас. Нэпаканэ пуссын ханты ос рущ латныл хассанэ. Меңкв, Витхон, Миснэ, сосса мир Отыранув урыл потрыт мот махум ос ловиньтанкве вос вёрмысаныл, тав рущ латныл толмащласанэ. Тувыл Ямал мат ос ман округувт 5-9 классыт няврамыт ханищтан магыс ханты латныл ос потрыт хансыс.

Владимир Егорович йильпи нэпакетыл янытланкве нэпак ловиньтан округ колн сав мир ёхталас. Хум сака ёмас вармаль вари, мань порат опатэныл хунтлыглалум потрыт ос мойтыт ань пуссын нэпакн хансыянэ. Ты потрыт хосыт мот махум сосса мир олупса урыл савнув ванкве патэгыт тах.



Атхатыглам мӯй махум

Николай МЕРОВ



Тўяг варыглан пўмыщ этипала

асын тўя акв хоталт музеит эт котиль мус рупитэгыт, рущ щирыл тав лававе «Ночь музеев». Мир матсыл савсыр пумыщ вармалит варыглавет, пёс йис олупса урыл потыртаве, няврамыт катыл матыр варункве вовавет.

«Торум Маа» музейт тамле этипала ос акваг варыглаве. Ты тал музей рўпитанэтэ пасыл налыман нупыл ат талэ товлыс, таимагыс тан аквты савит пумыщ тэла щёпитасыт, касын колнакт матыр варункве ровыс. Рупитан коланыл тит накпа люлит, тот сав колнак олы.

«Хотал» нампа ханса урыл уча суссылтап варим олы, тот няврамыт оманыл-атяныл ёт нётнэ послысыт. Мот колнакт осың сэтапыл катсорн нэгнэ квалыгсуп сагсыт ос товыл пун хурип хорам варсыт.

Акв колнакт махумн хул алыщлан урыл потыртавес, тот маньхап ўнлы, тўпыт суссылтавет, хўлпыт ханащлэгыт, савсыр хурит послым олэгыт, хумус маньхапыт ос яныг хапыт варавет. Акв пес хурит квайк послыма, ты пес порат махманув тамле хапыл Асн хул алыщланкве ялантасыт, тав колыл варим олы ос парсыл хартыглавес, тав ань олнэ яхтат хурипа.



Вера Кондратьева оматэ ёт

Музей-кол нуми колнакытыт няврамыт сас ломтныл аканит, лоңханьщапыт варсыт, акван-юнтнэ пёнтсыл тан квалыгсупыл нэгсаныл, тыщир кўстыр ос молях варункве ровыс. Тот ос мань сумъях оньщегыт, таве лакква-лосталыяныл ос няврамыт танти акван вос атыяныл, тыи пыгрищитын пумщиг олы.

Ёлы колнаканылт мāхум эргысыт. Юлия Яркина санквылтас ос маньщи латныл эргыс. Вера Кондратьева оматэ ёт ёхталас. Ты ханты нэ нётнэ турсуил сака ёмщакв эрги. Тав оматэ, насати, ос тамле нётнэ турсуин, таимагыс агитэ тав хольтэ хасы.

Вера оматэ Татьяна Семёновна вор павылт салыянэ ёт олы, ўсын ман морсын порат ёхталы, такви ханты латне ёмщакв вагтэ ос ханты эргыт эрги. Яныгпала эква Зоя Никифоровна Лозямова мак



Няврамыг «Хотал» ханса послэг

ханты щирыл эрги, тав эргункве ос ёхталас.

Музей-кол сыспалт ёрнкол тущтувес, тот ёрнкол похыт суссылтан магсыл хап ўнлы, камкат, питилит, хулпыт, толыг пинмыт. Ёхталан махумн пёс алщит суссылтэгыт ос потыртэгыт, хумус махманув хӯл алыщласыт ос ань алыщлэгыт, хумус ты алыщлапыт варвесыт.

Ёрнкол тйвырт савсыр ёнгынутытыл няврамыт ёнгалтавёсыт, яныг хотпат ос сака пумщалахтасыт, тāн «головоломкаг» лāвавет. Ты ёнгынутыт Анатолий Брусницин ос Вячеслав Кондин тэнти вариянэн. Муй махумн ты пўмыщ утыт урыл Елизавета Тасьманова потыр-

Стихыт хаснэ хотпат ёрнколт стиханыл ловиньтасыт, музейт рупитан хумыг пёс йис мойтыт

мойтсыг, няврамыт татем хунтлысыт, маныр ат торгамтасыт, ювле титыглах-

Людмила Александровна Алфёрова, музей кущай нэ, лавыс:

– Мāн кāсың тāл матыр йильпи щирыл варев, хунь няврамыт оманылатяныл ёт аквъёт матыр щаквщёгыт, послэгыт, тонт касынанылн пумыщ, мотыт щёс ос ман палтув ёхтэгыт. Тыт ман акв пумыщ суссылтап оньщев, «видеогид» лававе, хотпа самтерыг вильтэн масы ос аквтуп ман «Торум Маа» _музеюв янытыл тэлы ёмыгты, тыгле-тувле сунсыглахты ос потыртан турсуй хӯнтлы. Тыи няврамытын ос маньлат хотпатын сака пумщиг ōлы.

Галина КОНДИНА

Луима сэрипос

(Северная заря) Nº 10 (1268), 26.05.2022

Соучредители

Дума, Правительство ХМАО – Югры

Издатель

Департамент общественных, внешних связей и молодежной политики ХМАО – Югры

Редакция

Директор, гл.редактор -Линисламова С.С. Телефон (3467) 33-36-82

Заместитель директора – Кондина Г.Р. Телефон (3467) 33-22-72

Ответственный секретарь – Узель В.В. Телефон (3467) 33-23-09

Адрес редакции и издателя:

628011, г.Ханты-Мансийск, ул.Комсомольская, 31 тел./факс (3467) 33-17-52

E-mail:gazeta@khanty-yasang.ru Газета размещена на сайте www.khanty-yasang.ru

Отпечатано:

ООО «Новости Югры-Производство» г. Сургут, ул. Маяковского, д. 14.

Индексы 04399, 54399 Тираж **1710** экз.

Заказ 1874 Цена свободная

Мнение авторов публикаций не обязательно отражает точку зрения редакции.

Газета зарегистрирована Управлением Федеральной

службы по надзору в сфере связи, информационных технологий и массовых коммуникаший по Тюменской области, ХМАО-Югре и ЯНАО.

Свидетельство о регистрации ПИ №ТУ 72-00795 от 23 января 2013 г.



Товлынушт ёхтын хотал муйлувес

анты-Мансийск ўс ляпат олнэ Шапша павлын махум тўяг товлынўит ёхтын хотал янытласыт. Тув эргын ос ййквнэ махум ёхтысыт, та павлын няврамыт ос татем ййквункве ос эргункве хаснэныл.

Татем хоталың хотал олыс, няврамыт ёнгалтавёсыт, торломтыл ўйрищ хурит варсыт, ёрнколт тэнут пайтвес, касащан хотпа тот исум тэнут арталас.

«Мощ хот» нампа колт кущаиг олнэ нэ Лидия Алясова ты ялпын хотал варыглас. Тав Шапшат олнэ няврамыт йиквункве, ханты эргыт эргункве сав тал ханищтыянэ. Тот нарсъюх, санквылтап оньщегыт, санквылтанкве няврамыт ханищтавет.

Ты каркам нэ ялпын хотал варункве сака хасы, павлын махум щагтым тот муйлэгыт. Нэ лавыс:

– Ялпың хотал ёмщакв варыслув, ам сымум щагты, номтум ёмас. Туяв ёхтыс, ма-витув аквтуп нох-сай-калас, товлыңуит пити варегыт.

Ам щань-ащитын лавыгласум, нявраманыл ёт стихыт вос ханищтэгыт, тананылн ань пумащипа латын лавегум, сака ёмщакв ханищтаманыл. Тыг

ман «Хотал» нампа театр махманув вовсанув, тан тыт мойт суссылтасыт, амщит амщисыт, ййквсыт ос эргысыт. «Торум Маа» музейт рупитан хотпанув ёрнкол тущтысыт, атын тэнут пайтсыт, маньщи курт варим нянил махум тыттысыт, нэквет няврамыт ёнгалтасаныл, тан ётаныл торломтыл уйрищит варсыт.

Тӯяг округув янытыл савсыр ўсытыт ос пав-лытыт ўринэква хотал, товлынуйт ёхтын хотал варыглаве. Ань Шапша павылн акв муйлын нэ ёхтыс, Валентина Вьюткина Саранпавылт олы, тыг нявраманэ палт муйлункве йис. Ты ханты павылн тамле ялпың хōталн ōвыл щёс ёхтыс, такви павлэ урыл ос мощ потыртас. Тот Сўкыръят Ўринэква хотал варыглэгыт, эргегыт, ййквёгыт, няврамыт ос яныг махум халанылт касэгыт, тувыл ос яныг пасан ватат щай аегыт, потрамёгыт, ощхуль варёгыт.



А. Рещиков саңквылты, агииг ййквег

Валентина Вьюткина агитэ пыг Руслан Вьюткин саңквылтапыл ос нарсъюхыл саңквылтаңкве хасы. Тав ин мань порат ханищтахтункве патыс. Ань савсыр таныт саңквылты. Шапша павылн тав акваг ёхталы.

Алексей Рещиков сав тал няврамыт ёт рупиты, тананыл санквылтапыл, нарсьюхыл, тарыгсыплувйивыл санквылтанкве ханищтыянэ. Ты ялпын хоталт няврамыт татем ёмщакв санквылтасыт. Тав ханищтам нявраманэ ань янгыг ёмтсыт, танти мот махум ханищтэгыт.

Таи сака ёмас, касын талныл савнув агирищит ос пыгрищит ханты ос маньщи культурал пўмщалахтэгыт. Алексей номтэ сака ёмас, тав рўпататэ маньлат хотпатын элаль тотаве. Хум щагтым лавыс:

– Мāнавн ань сāвнув няврам ос маньлат хотпат ты тэлан ханищтанкве эри, вос санквылтэгыт, вос эргёгыт. Яныгполь Этпос сыс ам касың ущлахтын хотал тыг Шапшан ёхталасум, няврамыт ёт рупитасум. Ты тал няврамыт магсыл хурум инструмент ёвтвес – ты саңквылтап, нарсьюх ос тарыгсыплувййв. Ловмантем няврам ханищтахтуңкве акваг ёхталэгыт. Пёс порат Тимофей Кечимов, Григорий Сайнахов, Андрей Ангашупов ос мотаныт тарыгсыплувййвыл саңквылтасыт. Та порат хансым таныт ам ань хүнтлыянум, татем пумыщ, татем ёмщакв та

Муйлын вармаль сака ёмщакв варыглавес, сав павлын махум ёхталасыт, ёмас хоталын хотал олыс. Эрганыл, ййкваныл оигпам порат касащам хотпат хальн торсалмыт нэгсыт, пункпинсыт, элаль олнэ посын хотал, пустагыл олнэ хотал пойкщасыт.



Няврамаквет стихыт потыртэгыт

Галина КОНДИНА